

Calypso & Roadmarch Contest a laga nos lenga afor **Claudius Phillips merecidamente ganador absoluto di festival**



Resultado di Calypso & Roadmarch

STA. CRUZ – Resultado di Roadmarch y Calypso contest ta como lo siguiente:
Calypso: 4 lugar Chicho Kock, 3 lugar Anthony Gario, 2 lugar Tattoo, Ganador Calypso 2006 Mighty Talent
Resultado Roadmarch: 5 lugar Lady K, 4 lugar Mighty Hippy, 3 lugar The Baron, 2 lugar T Money Mingo, Mighty Talent Ganador di Roadmarch 2006



**Robert Maduro di AVP
a abusa di Jan Poets
den su calypso**



Calypso & Roadmarch Contest a laga nos lenga afor Claudius Phillips merecidamente ganador absoluto di festival

TOP FM 95 a score halto cu su sonido digital y clear

STA. CRUZ – Na prome lugar nos ta cuminsa pa duna e organisadornan di e festival aki PABIEN. Pabien SAC y tur esnan cu a coordina hunto cu SAC e festival di mas grandi di nos propio hendenan local. Ora tin cambio semper tin resistencia, pero e cambio den e setup di stage y e lugar a duna su resultado. Tabata reina un ambiente unico y tur rond tabata tin un cantidad di stands di cuminda y bebida. Di come y bebe no tabata falta nada. Musicalmente tur nos talentonan a duna un bon presentacion. E publico ya for di tempran a aglomera na Joe Laveist Sport Park pa asina nan no perde e grandinan. Esey a haci cu desde presentacion di e prome banda ya tabata tin

mil hende den Sport Park. Pa loke ta trata transmision di radio a keda comproba un biaha mas cu e mihor transmision di festival di Calypso y Roadmarch ta bay indiscutiblemente pa TOP FM 95, sigui pa Rumba 91 FM cualnan a duna un transmision clear via e sistema inigualabel di satellite. E bataya entre e cantantenan tabata grandi. Un di e grandinan di e anochi sigur ta keda Kevin James cu semper tin su ritmo diferente y yena cu bailenan cu yen di movecion. Asina nos mester conclui cu tanto Mighty Hippy y Mighty Baron pero tambe Lady V a duna un excelente presentacion. Ya tur hende tabata sa cu nan lo mester ta den e finalistanan di e anochi. Mighty Hippy, e King di Wok y Chop a presenta al estilo di Dhaddy Yankee den su outfit a la hubentud. El a presenta cu su cancion “doggie style” cual cancion a resulta un hopi facil pa e publico por comprende

y cuminsa baila mesora. E ta un cancion unico cu sigur lo bay wordo gusta door di nos muchanan ya cu e ta papia di cacho y ta facil pa blaf. E cancion aki sigur lo bay bati caya den e proximo dianan. Kevin James tambe a trece un bon cancion cu e unico diferencia cu su cancion ta poco mas dificil pa catch up na prome instante. Nos ta sigur cu despues di algun dia, ora cu e publico mira y comprende e baile di e cancion aki, e cancion lo plama riba caya! Biniendo na e dos cancionnan cu actualmente tin un polemica entre nan: esta Tony Mingo y Claudius Phillips. Dos ritmo completamente diferente. Haciendo un analisis nos por bisa cu nos carnaval tin dos ritmo cual ta keda na e publico pa scoge ta cual nan kier. No por kita afor cu den su estilo, T-Money ta tremendo pero no ta un cancion agresivo cu hopi movecion.

Di otro banda e cancion di Claudy ta un cantica completo y yena cu un cantidad di cosnan cu di berdad ta ponebo move. Kico ta e caso? Nos ta buscando un ‘Road-Jam’ pa carnaval. Nos carnavalesitanan kier expresa nan mes den parada! Considerando esaki e cancion di Claudius realmente y merecidamente a titula na di prome lugar. E cancion di Mingo no tin e ingrediente aki pa durante un parada di carnaval e publico por expresa su mes. Claro cu tin diferente forma pa expresa, pero e cancion di Mingo ta mas bien pa un ‘Jouvert Morning’, cual nos por anticipa for di awor cu lo no tin final di hendenan tras di otro ta baila tras di T-money su cancion. Pero pa e gran parada di carnaval e



cancion ta super pa un rato, pero esun di Claudius sigur lo haya mucho mas acogida. Nos ta kere cu esaki ta un cuestion di gusto. Pero conociendo e mayoria di pueblo no ta convenci cu Claudius Phillips merece e titulo aki. Den pasado nos mes ta pensa Ach, Claudius atrobe? Nos mester ta sincero pa

admiti cu tin biaha Claudius a titula King of Roadmarch unda cu tabata tin otro mihor cune y otro cu a gane tambe ariba caya! Pero e biaha aki nos no por bisa asina. Bo mester tabata den stadion pa bo por opina. Sinta na cas of scuchando na radio nunca lo bo por opina si bo no a mira con “out of control” e publico a bay cu cancion

di Claudius. Solo di Pueblo ta felicita tur participante, areglista, compositor y tur musico cu a duna nos un otro tremendo festival. Un di e festivalnan di mas gusta bao nos Arubianonan. Pabien Mighty Talent. E carnaval aki, cu nan gusta of no, tur lo bay abao cu ‘lenga’fo’. Pues den Carnaval 52 nos lo mira hooopi lenga.